



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. VII. Solvuntur objectiones

[urn:nbn:de:hbz:466:1-78232](#)

erunt in loco regni, scilicet in celo empyreo: Ergo erunt in inferno, seu in limbo, qui, ut supra annotavimus, nomine inferni in Scriptura & SS. Patibus nuncupatur.

Confirmatur ex concilio Florentino supra citato, afferente animas eorum qui in solo peccato originali, vel mortali actuali, decedunt, mox in infernum descendere, pena tamen diffaribus puniendas: Sed nulla est ratio cui ex eo loco post ultimum magni judicij diem liberandæ sint, cum post hanc vitam non sit locus misericordiae, sed iustitiae; & Eccl. 11. scriptum sit, *Vbicumque ceciderit lignum, sine ad Austrum, sive ad Aquilonem, ibi erit;* quem locum Hieronymus in commentario, & alii communiter exponunt de hominibus, qui in eo statu perpetuò erunt, in quo illos mors invenerit: Ergo parvuli ex hac vita cum peccato originali migrantes, post diem judicij in limbo manebunt inclusi, & huic tenebroso loco in perpetuum erunt alligati. Unde Anselmus lib. de conceptu Virgin. cap. 22. versus finem ait, *Post diem iudicij nullus erit Angelus aut homo, nisi aut in regno Dei, aut in inferno.*

Secundo Major principalis suaderi potest ex communi doctrina Theologorum, afferentium quod post universale judicium omnia elementa suum sicut naturalem possidebunt, ita ut ignis supra aerem, ac supra aquam, & haec supra terram sit, terraque aqua omnino cooperata maneat. Cum enim (inquunt) aqua initio mundi totam ambiret terram, ut natura ejus postulare videbatur, ac deinde jussu Dei in locum unum congregata fuerit, ut superesset locus in terra generationi animalium & plantarum, generatione ista cessante cum motu corporum celestium, ratio ipsa & natura rerum postulat, ut aqua ad locum pristinum revertatur, tamquam superficiem terræ cooperiat. Ergo infantes post universale judicium non habitabunt super faciem terræ, ut docent Adversarii (nisi inquis ad instar piscium nature dicantur, quod ridiculum est) sed in loco subterraneo & tenebroso inclusi manebunt.

Tertiò probatur eadem Major: Ex communi Theologorum sententiâ, judicium particolare cuiuslibet, & judicium universale, eandem sententiam continent: Sed anima parvulorum cum peccato originali decadent, in particulari judicio destinantur ad limbum: Ergo post universale judicium in eodem loco manebunt.

Denique suaderi potest conclusio ex duplice inconveniente & absurdo, quod sequitur ex Catharini sententia: Nam si verum esset quod ipse scribit, parvulos, cum originali peccato decadentes, post diem judicij non solum caritarios omni dolore, tum interno, tum externo, sed etiam fore beatos ac felices; & in quadam veluti terrestri paradiiso perpetuo vitam aeternam, plenos sapientia & virtutibus, sua forte optimè contentos, Deum toto corde diligentes & laudantes, Angelorum denique consortio & revelationibus saepe fruentes; si haec, inquam, vera essent, sequeretur in primis illos parvulos in universali judicio transiitros de non beatos in beatos beatitudine naturali: cum enim ante illud in tenebroso limbi carcere essent inclusi, beatitudine naturali, qua cum detentione & allegatione ad hunc locum stare nequit, frui non poterant. Sequeretur deinde illos melioris conditionis esse, quia peccaverunt in Adamo, quam si in puris naturalibus decessissent; non enim

A tanta bona debentur hominibus in puris naturalibus in infâria decadentibus: unde parvuli isti præmium & commodum ex peccato originali referent: At haec non solum videntur absurdâ, sed etiam Pelagianorum errori affinia: Ergo &c.

S. VI.

Solvuntur obiecções.

OBJICES primò: Parvuli ob culpam originalem nulla tristitia afficiuntur, ut §. precedenti ostendimus: Sed si in pœnam illius naturali felicitate privarentur, non posset non tristari de ejus privatione; cum eam ut sibi possibilem cognoscerent: Ergo ob culpam originalem non privantur naturali beatitudine.

Respondeo concessa Majori, negando Minorum: nam licet demus quod parvuli cognoscant naturalem beatitudinem, ut sibi possibilem, non tamen cognoscunt se fuisse ad illam ordinatos; cum ordinatio ad aeternam felicitatem naturalem non sit homini ab intrinseco debita, sed ex gratia Dei voluntate proveniat; nullus autem, si sit reparationis, affligitur ex hoc quod caret aliquâ perfectione sibi indebitâ, & ad quam ab intrinseco, & ex sua natura non est ordinatus, ut docet D. Thomas loco supra citato.

Objices secundo: Deus in resurrectione, non obstante culpâ originali, concedet infantibus plura dona gratuita, ut immortalitatem, imparsibilitatem, & quantitatem seu magnitudinem quam habituri essent, si ad adultam ætatem pervenirent: Ergo non denegabit illis naturalem beatitudinem.

Sed nego consequiam, & paritatem: nam dona illa non sunt cum peccato originali incompatibilia, naturalis autem beatitudo cum illo stare non potest; quia, ut in prima probatione dicebamus, beatitudo naturalis importat conversionem in Deum, ut authorem naturæ, peccatum vero originale à Deo nedum ut auctoritate, sed etiam ut conditore natura avertit, ut ibidem ostendimus.

Objices tertio contra secundam probationem nostra conclusionis: Si parvuli ex hac vita cum peccato originali migrantes, manerent post diem judicij perpetuò inclusi in limbo, ei que alligati, pœnam sensus patarentur: Sed hoc dici nequit, ut §. 2. fusc ostendimus: Ergo nec illud. Sequela Majoris probatur: nam ut docuimus in tractatu de Angelis disp. 14. art. 2. pœna sensus, quam dæmones & animæ separatae patiuntur, est per alligationem ad ignem: Ergo si parvuli limbo alligati sint, pœna sensus torquebuntur.

Respondeo primò negando sequelam Majoris. Ad eius probationem, distinguo Antecedens: pœna sensus, quam dæmones & animæ separatae patiuntur, est per alligationem ad ignem, ut activè detinentem spirituales substancias, & occupantem contrarie, concedo Antecedens: solum ut formaliter locantem, nego Antecedens, & Consequentiam. Nam parvulorum animæ, eti in limbo detinentur ut formaliter locante, non tamen contrarie occupantur ab illo ne Deum videant, nec activè detinentur à talibus locis, sed à Deo negante concursum ad excusandum, & ideo non sustinent pœnam sensus, quia ab igne cruciantur dæmones & animæ.

LII ij adul-

adultorum, consistente non in hoc quod ignis locet formaliter, sed in eo quod contrario occupet, & active detineat. Solutio est D. Thomae quæst. 26. de verit. art. 1. ad 11. ubi sic ait: *Dicendum quod in p[ro]p[ter]a proper defectum gratiae est sola carentia divine visionis, sine aliquo contrario impeditive active; sed damnati in inferno non solum privantur divina visione proper defectum gratiae, sed impeditur quasi per contrarium, per hoc quod circa partes corporales occupantur.* Ponderanda sunt illa verba, *sine aliquo contrario impeditive active, quibus aperte indicatur, parvulorum animas non pati penam sensus, quam damnati sustinent in inferno, quamvis detineantur in limbo; quia locus iste non detinet active animas parvulorum.* Ignis autem active detinet & contrario occupat animas adultorum & dæmones. Ignis ergo cruciat, non quia locat (quod illi naturaliter convenit), sed quia active detinet animas in se locatas, ut divinitate justitie instrumentum: limbus autem non torquet animas parvulorum, quia solum habet illas locare, non active detinere, nec occupare contrarie.

Secundò cum eodem S. Doctore ibidem in resp. ad 3. dici potest, quod eti animæ parvulorum in peccato originali decedentium detineantur in limbo, eque alligentur, ex hoc tamen nullam penam sensus patiuntur; quia non apprehendunt illum locum, & talem detentionem & alligationem, ut sibi disconvenientem, & nocivam, subindeque ex illa non tristantur, nec ei reluctant: econtra vero Dæmones, & animæ adultorum, penam sensus patiuntur ab igne tartareo cui alligantur, quia cum talem alligationem apprehendant ut nocivam, & ipsorum libertati contrariam & disconvenientem, ex ea valde tristantur & affliguntur, ut eleganter explicat Cajetanus tomo 3. opus in oratione de hac materia, habita coram Julio 11. Summo Pontifice.

S. VII.

Corollaria notata digna.

EX dictis in hoc articulo habetur in primis, D. infantes cum peccato originali ex hac vita migrantes, nullâ penâ positâ puniendos esse, sed tantum penâ privativis, carentia scilicet glorie, & beatitudinis naturalis, absque eo quod ex duplice illa privatione dolorem aliquem internum seu tristitiam patiantur.

Habes etiam ex dictis, tales parvulos futuros quad corpora integros, nec aliquâ perfectione corpori connaturaliter debitâ carituros, subindeque eos in generali resurrectione accepturos à Deo quantitatem seu magnitudinem, quam habituri essent, si ad adultam aetatem pervenissent, ut de omnibus etiam damnatis adultis docet D. Thomas in 4. dist. 44. qu. 3. art. 1. quæstiunc. 1. & probat ex eo quod corporum resurrectio est opus divina virtutis; Dei autem perfecta sunt opera.

Colliges tertio, illos parvulos post resurrectionem fore immortales & incorruptibles, non quidem ab intrinseco, sed ab extinseco, ratione divinae providentiae & justitiae, quæ illorum resurrectionem ac reunionem animæ cum corpore ordinabit ad hoc ut totum suppositum, quod originalem culpam centravit, penam eternam damni sustineat; ex hoc enim solo fine

A immortalitate donabuntur. Illis etiam competit impotibilitas, non ratione dous, quæ corpora Beatorum fruentur, nec ex defectu potentia ad patientium, ut docet 1. Thomas quæst. 5. de malo art. 2. ad 5. sed ex defectu exterioris agentis: nam post resurrectionem nullum corpus ager in alterum ad corruptionem inducendam, sed solum erit actio ad puniendum ex ordinatione divinae justitiae, & quia parvulorum corporibus non debetur pena sensibilis, nullum corpus ager in illa.

Inferes quartò, quod illi parvuli erunt impecabiles, non ab intrinseco ratione alicuius supernaturalis doni, sed ab extrinseco, nempe ex Dei providentia, subtrahente concursum ad omne materiale peccati, ratione status in termino; in quo ait D. Thomas quæst. 5. de malo art. 3. in corp. non mutatur voluntas à dispositione quam habuit in via, atque adeo cum interfates mortui ante rationis uitum, nullam inordinatam dispositionem aetualē habuerint, ad suavem Dei providentiam spectat, ut non iniat illos post mortem in affectus inordinatos prouimpere.

Inferes quintò, quod animæ illorum parvulorum aliqua objecta naturalia cognoscent per pecies à Deo infusas in statu separationis: nam omnium cognitionem animabus illis denegate, improbabile censuit D. Thomas in 2. dist. 33. qu. 2. art. 2. in corp. Dei etiam ut conditoris naturæ aliquam cognitionem hebebunt; non tamen adeo perfectam, quod ad beatificandum illas beatitudine naturali sufficiat.

Inferes ultimò, quod illi parvuli Deum naturaliter authorem diligenter dilectione naturali, non quidem amicabiliter, efficaci, & perfecta (hac enim stare neq[ue] ut cum aversione à Deo conditore naturæ, inclusa in peccato originali) sed dilectione quæ fertur in Deum prout est essendi naturale principium, ut antea exposuimus.

DISPUTATIO VIII.

De effectibus peccati.

Ad questionem 35. & duas sequentes.

POstquam Divus Thomas egit plurimes quæstiones de causis peccati, tam interioribus, quam exterioribus, quæst. 87. & duabus sequentibus disputat de ejus effectibus, qui sunt diminutio boni naturalis, defectus naturales, macula, & reatus penæ: de quibus in hac disputatione nobis incumbit agendum.

ARTICULUS PRIMUS.

An inclinatio naturalis ad bonum minatur, vel totaliter corruptatur per peccatum?

SUPPONO primò, naturæ rationali, ex eo quo rationalis est, inditam esse non modo capacitatrem, sed etiam inclinationem & propensionem ad bonum honestum, quod est bonum rationi consonum. Ratio est, quia unamquamque naturam consequitur per se inclinatio-